


威海衛志 四之七



			九	漢
		一	〇	書
四	三	四	〇	門
冊	架	函	號	類

庫	文	閣	內	
元	九			漢
二	一	〇		書
八	四	〇		
架	冊	號	類	

內閣文庫		
番號	漢	9100
冊數	4	( 2 )
函號	292	118



威海衛志卷之四

淺草文庫

食貨志

敘曰禹貢敘青州之貢僅鹽絺海錯豈非其時  
地濱于海民貧而土瘠乎然三千年來生息既  
滋版章日闢其丁徭屯賦可考而知也恭蒙  
盛朝無額外之征瘠土有耕餘之食民駸駸乎有吳  
楚風矣作食貨志

丁徭

明時本衛無他丁止以官舍軍餘為主戶官即

指揮鎮撫千百戶本身爲官長子爲應襲承受  
祖職庶子爲舍人出幼則充丁軍卽京邊城操  
捕倭屯田墩堡諸軍本身爲軍長子爲軍牙頂  
替祖軍庶子爲軍餘出幼則充丁兩項有編審  
納銀者名曰銀差有選充牢役軍伴屯催書記  
者名曰力差先年法久弊生世官易作威福多  
揀殷實充役萬歷四十七年掌印指揮董殷鑒  
前非據闔衛公呈通詳各憲額定條鞭審差照  
三則納銀牢伴等役額給工食招募衛人以安

舊冊無存以順治十四年丁徭清冊雍正五年  
賦役全書爲正

國朝順治間原額三則人丁五百七十丁

原額中則人丁一十丁每丁征銀八錢九分五  
厘共該銀八兩九錢五分內於康熙元年爲登  
屬被賊殘破等事一案除豁死亡中則人丁七  
丁該免銀六兩二錢六分五厘見在中則人丁  
三丁該銀二兩六錢八分五厘 康熙五十五  
年

盛世滋生增益人丁三丁欽奉

恩詔永不加賦 雍正五年攤入地畝征收

原額下則人丁一百八十一丁每丁征銀六錢九分五厘其該銀一百二十五兩七錢九分五厘內于康熙元年爲登屬被賊殘破等事案內除豁死亡下則人丁五十三丁見在下則人丁一百二十八丁續于康熙三年新增下則人丁八丁十六年新增下則人丁六丁十一年新增下則人丁八丁十六年新增下則人丁二丁二

十年新增下則人丁二丁二十五年新增下則人丁三丁實該除死亡下則人丁二十七丁該免銀一十八兩七錢六分五厘見在下則人丁一百二十八丁該銀八十八兩九錢六分新增下則人丁二十六丁該銀一十八兩七分見在並新增下則人丁共一百五十四丁該銀一百七兩三分 康熙五十五年

盛世滋生增益人丁七丁欽奉

恩詔永不加賦 雍正五年攤入地畝征收

原額下下則人丁三百七十九丁每丁征銀四錢九分五厘內於康熙元年為登屬被賊殘破等事一案除豁死亡下下則人丁四十一丁當年新增如額其下下則人丁三百七十九丁該銀一百八十七兩六錢五厘雍正五年攤入地畝征收

康熙元年額外新增下下則人丁六丁三十年額外新增下下則人丁二丁三十五年額外新增下下則人丁二丁四十年額外新增下下則

人丁二丁以上額外新增下下則人丁共一十二丁每丁征銀四錢九分五厘共該銀五兩九錢四分 康熙五十五年

盛世滋生增益人丁一十四丁欽奉

恩詔永不加賦 雍正五年攤入地畝征收

康熙元年招撫流移人丁一十二丁每丁征銀二錢九分五厘共該銀三兩五錢四分雍正五年攤入地畝征收

附明天順間安插三姓彝人到衛共八竈每竈給地五十畝山一區歲支廩給銀共二十八

兩額設寧海州倉口支給養兒無差耕地無糧  
酌扈從功也但威海城邊地薄山童有名無實  
明末丁地銷盡僅存人口一二國朝人冊當  
差與軍戶一例一戶馬黑麻今馬姓一戶黑台  
今蘇姓一戶拜  
奚只今傅姓

屯賦

威海僻處文登北鄙山窮水盡海口衝險設官  
設軍向無田地前明設軍屯一十八區取寧文  
二邑隙地令屯軍自種自食倣古人寓兵於農  
之意原無征收解例也

國朝官廢軍裁屯田荒棄順治三年本衛指揮陳萬

言署守備事遍歷十八屯招佃開墾按熟起科  
征銀充餉名曰屯糧衛有起解昉于此矣四年  
部推掌印守備于有光兼管屯田極力開拓漸  
次續報明末屯田條段概不可考謹照順治十  
四年屯糧清冊雍正五年賦役全書為正

國朝順治間原額一例屯地九十二頃三十一畝五  
分九厘六毫每畝征銀二分九厘三毫六絲四  
忽五微共征銀二百七十一兩八分一厘二毫  
七微四纖內除拋荒地三十一頃二十七畝八

分六厘六毫三絲該免銀九十一兩八錢四分八厘二毫五微九纖九沙八塵五渺成熟地五十一頃四十七畝征銀一百五十一兩一錢三分九厘八絲一忽五微自康熙四年至五十七年新墾地共九頃五十六畝七分三厘七絲共征銀二十八兩九分三厘九毫一絲八忽六微四纖一塵五渺成熟地並新墾共六十一頃三畝七分三厘三絲共征銀一百七十九兩二錢三分三厘一微四纖一塵五渺

雍正七年各屯首報地八頃三十畝八分次年  
起科八年守備張懋昭勸墾各屯荒地四頃二  
十五畝七分七厘七毫四絲三年後起科

雍正十二年守備張懋昭查報各屯荒地其一  
十一頃五畝七分二厘五毫內登州府文登縣  
威海衛儒學公捐銀四十六兩置買牛具籽種  
分給貧民助墾

雍正十三年裁衛十八屯已墾未墾地俱歸併  
寧海州文登縣及新分海陽縣

起運

查康熙十九年起解戶部銀七十九兩三錢六分九厘零錢糧不敷有從寧海州濟南衛撥補者雍正五年賦役全書載地丁共征銀四百八十六兩三分三厘零內載敬陳管見事案內奉文通省應征丁銀自雍正四年為始攤入地銀內征收本衛應攤征人丁銀二十兩七錢八分三厘零較之現在人丁共該銀三百六兩八錢實減人丁銀二百八十六兩一分六厘零下剩

實征銀共二百兩一分六厘零查本衛額編存留銀二百二十一兩八錢一分二厘七毫今下剩實征其銀除無起運銀兩外尚不敷存留銀二十一兩七錢九分六厘零奉文自雍正四年為始在寧海州地丁銀內撥給是衛無起運也存留

明官俸役食無考今將

國朝順治以後陸續奉裁者開列於後

守備下

蔬菜燭炭銀八兩  
心紅紙張銀八兩



教授下

喂馬草料銀十二兩四錢  
八兩四錢後裁三分之二

廩銀每名  
膳銀每名

二兩後裁三分之一  
馬銀二十四兩後裁去十三兩六錢

雜項

一進表箋銀五十兩  
一考貢作興銀四兩七錢  
一考貢盤費銀二兩

一考賞銀四十一兩二錢六分五厘  
一科舉盤費銀四兩以上俱順治十六年奉裁  
一按院

觀風銀四兩  
裁院之日即入起運

雍正五年存留銀兩開列於後

官俸役食銀一百四十七兩內

本衛守備一員 俸銀一十八兩七錢六厘薪

銀四十兩

門子二名工食連閏銀一十二兩四錢  
快手二名工食連閏銀一十二兩

四錢半役六名工食連閏銀三十七兩二錢  
傘夫二名工食連閏銀一十二兩四錢  
馬夫一名工食連閏銀六兩二錢

雜項銀七十四兩五錢六厘內

霜降祭旗銀并衛學祭祀 文廟銀八兩六錢

二分 春秋丁祭銀八兩三錢八分

廩膳生二十名廩糧銀五十七兩八錢六分六

厘七毫

以上俱由本衛奏銷

本衛教授一員 俸銀三十三兩一錢一分四

厘

齋夫三名工食連閏銀三十七兩二錢  
夫二名工食連閏銀十三兩七錢七分七厘

六毫六絲 門斗三名工食連閏銀二十二兩  
三錢二分 文廟香燭銀二兩五錢二分  
俱由寧海州支領

歲貢生盤費並袍帽傘蓋等項銀十兩四錢  
海州支領

學院錢糧 廩生二十名學租銀六兩極貧生四  
名學租銀一兩六錢次貧生八名學  
租銀二兩四錢向由登州府  
支領近由學院按臨時點發

起送會試舉人及新舉人牌坊長夫銀  
由布政司支領

進士牌坊長夫銀  
由戶部支領

雍正六年新設民壯三十名工食銀共一百八  
十六兩  
由寧海州支領

雍正七年添設守備養廉銀三百兩  
內寧海州支銀二百  
六十四兩本衛地丁錢  
糧耗羨銀三十六兩  
添設守備紙張銀二十  
兩  
由寧海州支領

添設關帝廟祭祀銀三十兩  
由布政司支領

雍正十三年裁衛以上各項俱廢

雍正十三年移駐溫泉寨巡檢一員 俸銀三  
十一兩五錢二分養廉銀八十兩  
皂隸二名工食連閏銀一  
十二兩四錢 弓兵二十名工食連閏  
銀六十二兩以上俱由文登縣支領

歲時衛志

食貨

九

伊等不肯包賠遂假稱民耕皂地應納皂銀實則私收以充皂丁也又恐當官無據乃私自丈量畝數載在魚鱗冊以為構訟計近時皂丁盡入皂糧伊所賴民間皂糧加倍私收名曰場皂不知此弊何時別清也

附額外天啟間文登知縣解啟衷條陳各海口佃納海租銀五六錢不等衛人領印租票納稅捕魚雍正七年守備張懋昭詳革勒石永禁無課程牛驢雜稅船稅田稅奉文儘收儘解當稅無定額

物產

穀屬

高地宜麥黍穀黃豆菜豆窪地宜秫稗黑豆至

芝蔴麻子蘇子稻小豆豇豆蕎麥亦有種者

蔬屬

山蔬以菌為上但不常有園蔬有葱韭蒜芥菠芹匏茄萵苣黃芽菜茼蒿蘿蔔蔓菁扁豆等物金簪蕨菜芋山藥罕有植者海蔬若龍鬚紫菜龍腸亦間有之近有種番藷者

果屬

桃李杏俱常果棗甚梨栗柿棗葡萄木瓜櫻桃核桃蘋果柰子白果文官果俱間出惟石榴最

宜土性

瓜屬

王瓜甜瓜西瓜番瓜俱宜地瓜南瓜冬瓜絲瓜  
間出近有哈密瓜其味絕佳

木屬

山最宜松凡幽谷深巖葱鬱彌望自屢敗於海  
筏疊殘於松狗而蜀山童童木價不啻倍蓰矣  
外若檇柳柞槐柏楸足以利用桑可飼蠶蠟可  
產蠟楮可抄紙梧桐可駕漁筏皆爲有用之材

餘則竹楓皂角生樹棟樹間一有之非常產也  
花屬

迎春薔薇月季芍藥玫瑰牡丹藤花紫荊海棠  
望江南剪秋羅芙蓉菊玉馬鞭諸花皆與文登  
相同因土性寒冷且不得蒔養之法

藥屬

藥亦有二十餘品問之醫家惟防風黃芩枸杞  
瓜蒌仁荊芥兔絲子地骨皮蔓荊子數味爲佳  
餘俱味薄邊海漸種沙參最佳

羽屬

與文登無異惟康熙四十年間有鳥棲東門外連呼王官哥三字音響激越夜靜可聞數里說者謂口外深林有此鳥不知何以至此五十二年烏鵲來巢鬻子亦前此所未有者

毛屬

馬騾牛驢羊豕犬猫皆豢之於家者山則狼與野猪最爲民害近則野猪絕跡矣狐獾麇兔貉蝟鼠狼亦間有

水族

海鮮最貴泗人獲利頗厚青魚最多驚蟄以後穀雨以前重網或至數十萬以小罟取者有鯽有偏口以簍取者有青菜有燕兒以罟兼擲者有鯢有鮫有鮓以網目勒取者有王鮪有秤星以餌取者有鱧有黃有黑有鱔有嘉有敏有黃姑有黃安有馬羈有河豚有滂班有禿頭星近有下緝線者聽其自釣乘筏摘取種類尤夥蛤蜊淘於潮邊剝於石房螃蟹捉於退灘蟻肖

蠕動不克殫述外若海狗鷹鰕之類非常產者  
不載

蟲屬

蠶能吐絲蜂能釀蜜琴蟬蝴蝶蜻蜓蟋蟀諸類  
俱有

泉屬

山綢為最椒繭樗繭謂之小繭其價貴柞繭謂  
之大繭價次之桑謂之棉價又次之布麻葛地  
亦間出

器用

細席較勝他處陶冶只出磚瓦不能為器皿  
論曰今天下民困甦矣而威海積弊向有未盡  
除者其已除者一曰丁徭文邑每丁征銀一錢  
八分七厘零而威海則每丁征銀八錢九分五  
厘下則每丁征銀六錢九分五厘下下則每丁  
征銀四錢九分五厘是一人常兼數人之賦矣  
康熙七年守備朱 差役赴省解銀五十餘兩  
在道遺失本役賠補無力公議每丁暫派銀七

分以完解項後因循日久未經開除遂將加賦變爲正額以致死絕逃亡不能除豁一人常納數丁雍正五年蒙

皇恩丁銀攤入地畝貧者始慶更生焉其未除者一曰編審前明有銀差有力差法久弊生世官每取殷實之民充當牢役軍伴屯催書記以致身家立破掌印指揮董勇挾指積弊詳請條鞭各項雜差俱免編名止分三則納銀牢伴等役各給工食招募軍困始甦康熙四十四年守備費

允倫聽積蠹韓威之謀僉報平民應役被害與前明等至裁衛後守備張懋昭將各屯戶分送各州縣一遇編審之年文登審戶宜也乃寧海州海陽縣亦按冊到衛票提十羊九牧何以堪此一日里差威海負郭俱隸文登因軍不當民差每畝加銀四厘名曰寄莊地共加銀一百一十九兩九錢二厘載在文登志可考自順治二年里蠹姜學禮僉報衛人替當民差閭衛哀鳴各憲蒙院司道等批既當軍差自不當以民差

疊累仰登州府嚴飭報府批寧海州審結當將  
姜學禮責枷以警軍民照舊各差順治九年奸  
蠹藐法不遵僉報逃亡日多幸巡按馮公東巡  
闔學公呈此弊蒙批寄莊於徭糧之外另有加  
征地畝銀兩正爲軍置民產不便當差而設至  
於挨甲順里之差軍衛有司原自各別豈得軍  
當民差仰文登縣照舊例行繳仍取該縣遵依  
勒石永禁歷年沉痾一旦豁然雍正七年單頭  
姜一墳僉報十排專累及紳衿及業儒子弟署

縣羅 偏袒幾翻前案幸現行滾單糧役革  
除始免挾嫌妄報之苦一日軍犯名之軍犯年  
久俱入衛籍原可相安近則衛裁而軍犯仍發  
邊海舊衛繩繩相繼不下二十餘家每逢集市  
糧草雜貨任意抽剝莫敢誰何一遇潛逃累及  
里甲卽逢

恩赦竟有不欲回籍者夫衛裁則官無正員似軍犯  
亦當稍爲變通以上俱係民害不可不除至士  
爲四民首自當各照籍貫前明廩貢缺出往往



被外學冒補賴邑諸生黃家相負疏登聞夙弊  
始除我

朝崇儒重道疊蒙

列聖作養廣學額增廩餼乃雍正十三年河東總督  
王士俊條陳裁衛學併榮成現廩俱改爲候廩  
出貢則榮威兩學校年分二年一貢學額歸榮  
成績在榮成補現廩五名乾隆二年因人戶以  
籍爲定改屬文登現廩仍改爲候廩出貢則合  
文登威海靖海三學校年分二年一貢學額仍

照文登之舊止一十五名使雪窓螢案之士埋  
沒於寄居舊邑之中實屬向隅是不能無望於  
留心民瘼者迨乾隆十六年十月內學院李因  
培

題請文威靖三學廩生輪流一年一貢俟舊廩貢  
完續補新廩仍由文登二年一貢奉  
旨依議甚盛典也原疏另載

威海衛志卷之五

典禮志

敘曰禮取諸履君子以辨上下定民志繫辭云物畜然後有禮故受之以履是國於天地必有與立天不變道亦不變也孔子爲定禮之宗我

朝典禮有加

御製匾額崇封五代釐定賢儒博士凡祭品樂舞罔弗燦然有章壇廟列祀典者始以類從他若飲

射賓與應俱臚列於後作典禮志

祠祀

先師廟祀

先師孔子四配東西侍十二哲次之先賢先儒

列兩廡歲以春秋二仲月上丁日致祭祭用帛

一白磁爵三牛一羊一豕一登一釧二簋二簋

二籩十豆十酒罇一四配每位帛一白磁爵

三羊一豕一釧二簋二簋二籩八豆八酒罇一

一十二哲十二案每案帛一白磁爵各一豕一

釧各一簋一籩一籩各四豆各四豕首一兩

廡帛二每位銅爵三籩一籩一籩四豆四豕肉

一以上俱雍正二年欽定衛不能

備四配十二哲兩廡各設祭二壇

齋戒 期前三日帶齋戒脾不飲酒不茹葷不弔

于別所致齋一日 宿于祭所理祭事

迓榜 期前二日擇善書生員錄榜將主祭官執

教授僉押懸 掛明倫堂

省牲 守備教授率生員預

祭品 帛香燭酒太羹羊豕鹿兔黍稷稻粱形鹽

醢醢鹿醢兔醢魚 醢鹿脯毛血庭燎

祭器 爵登罇釧簋簋籩豆帛篚

樂器 麾金鐘玉磬鼓搏拊祝敔

舞器

節羽籥  
干戚

樂舞生

六十四名  
欽定衛無樂舞錄之以昭典禮  
以上三條俱雍正二年

祝文

儀注

丁日丑前五刻行事執事各執次掌饌者  
實饌具點視訖易服迎神行三跪九叩禮  
奏咸和之曲初獻奠帛讀祝文亞獻中獻分獻  
以次行之飲福受胙四叩謝胙徹饌奏咸和之  
曲送神行三跪九叩首禮  
奏咸和之曲乃望瘞禮畢

崇聖祠祀

肇聖王木金父裕聖王祈父詒聖王防叔昌聖  
王伯夏啟聖王叔梁氏以顏無繇曾點孔鯉孟

孫氏四氏配周輔成張廸程珦朱松蔡元定五  
人從食凡祀日先祀崇聖祠祭品正位視四配  
共五壇配位視十二哲共四壇從食視兩廡共  
二壇俱雍正二年 欽定衛不能備止設正位  
祭一壇配位及從事東西各設祭一壇

文昌祠

有二一在城東門上順治間庠生周之  
標等創建一在環翠樓東南坡康熙間

貢生阮述芳創建乾隆二十三年像移環翠樓  
舊廟遂廢春秋丁日用羊一豕一帛一籩豆蔬  
果之類

魁星樓

在城東南角崇正十七年庠生畢懋第  
等創建康熙十七年庠生畢世隆等改

向面北重修祭以春秋仲月上丁祭品同文昌祠

**名宦祠** 祭品同兩廡守備主祭

**鄉賢祠** 祭品同名宦教授主祭

**附饗胙** 祭日頒賜外除豕一羊一並肝肺雞魚饌饌果酒之類午刻主祭官及與祭生

同宴于明倫堂康熙四十二年始廢其禮

**頒胙** 祭畢除豕一羊一授具名帖頒送仕宦及甲科貢生康熙五十四年始廢其禮

○自裁衛之後闔學不忍舉行如制廢祀事預日糾社至期

**先農壇** 在城外東北隅雍正六年守備張懋昭建正殿三間配房二間門樓一間墻垣

祭壇俱全祭以仲春上戊併衛後壇圯基地為居民谷姓佔耕

**風雲雷雨山川壇** 在西門外雍正六年守備張懋昭建祭以仲春上戊

**城隍廟** 在衛西街康熙五年重建邑侍讀學士王世功有碑記祭以五月十一日土地

祠附廟內庶民送紙祀之

**關帝廟** 在衛中央舊以鯨魚骨作榱形勢未濶崇禎四年指揮王澤遠督僧宏菴募木

榱重建仍以鯨骨作捲棚廣輿記寧海州東石落村劉氏海濱得百丈枯魚之骨構鯉堂即此

祭以二月上戊五月誕辰八月上戊

**軍牙六纛祠** 久廢每歲霜降守備祭于衛衙故址中

**馬神廟** 在衛西北隅久圯

**藥王廟** 在衛西南隅久圯

海神廟

俗名龍王廟有二一在廟前一在祭祀臺清明漁人祭以豕酒

八蜡廟

俗名蟲王廟在北門外康熙末年建後改為劉猛將軍廟劉能驅蝗有求必應

江浙多祀之雍正六年奉文捐建守備張懋昭因改題焉蟲起邑人祀以香楮

公儀

萬壽節

明指揮國朝守備率僚屬具朝服于龍亭前行慶賀禮

元旦冬至同

接

詔勅

明指揮國朝守備率僚屬紳衿具朝服設儀仗出郭迎接行三跪九叩首禮至衛宇跪聽宣

讀行禮如制

進

表箋

明指揮國朝守備進表箋慶賀萬壽元旦冬至至今語曰衛不打春縣不進表順治十六

年

日食

印官率僚屬具朝服於城隍廟伐鼓行救護禮

月食

禮同日食

飲射

鄉飲酒禮

久廢

鄉射禮

射圃舊設城東南角外久廢康熙十四年守備李標改設于文廟東與諸生

習射今亦廢

賓興

生員應試

預日衛官具帖至日設宴禮餞登天衢橋披紅簪花備儀仗旗彩親送郊

關守備李標舉行外竟成絕響

舉人報捷

撥夫役送鼓吹旗匾

赴宴

赴鹿鳴嘉宴歌鹿鳴諸詩

郊迎

金鼓

旗隊結彩導行

釋菜

詣儒學拜謁

歸第

導行如來儀

會試

禮如鄉試加隆

進士

禮如舉人加隆

貢生

郊迎送匾康熙庚午始廢郊迎之禮雍正丙午始廢送匾

禮之

論曰天經地義惟禮可以維之圯族敗倫惟禮可以止之禮之所關顧不重哉威雖僻壤而俎

豆雍容人知禮讓非徒綿蕞習儀而已也推之報賽有其文欽崇隆其制引年觀德詳其典論秀書升備其規已行者率由舊章未行者講明修復播為詩歌譜之金石海濱且與鄒魯同風矣

威海衛志卷之六

官守志

敘曰古之能其官者生則長子孫沒則垂竹帛亦曰無忝厥守耳奚必斤斤於職之崇卑祿之厚薄哉漢之仇香宋之程珣明之孫一謙皆史冊流芳無愧於守者也作官守志

職官

府志載威海衛指揮十四員經歷一員鎮撫二員左前二所正副千戶八員百戶二十員後所正副千戶五員百戶十員與邑志不合未知孰是姑仍邑志又指揮等世職原籍始封及承襲年分止六姓有世次無缺員餘照修環翠樓重請衛印諸碑書名非盡始封也



明

指揮使

正三品方印一顆五年軍政選賢能指揮一員主之賢否由都指揮使司與府

道平

指揮同知

從三品

指揮僉事

正四品

鎮撫司

從五品方印一顆五年軍政選賢能鎮撫官一員主之賢否由本衛

千戶

正千戶正五品副千戶從五品左前後三千戶所每所千戶五員共印三顆軍政選賢能千戶一員主之賢否由本衛

百戶

正六品左前後三所百戶三十員每員各印一顆無黜陟巡按下馬考察戒飭

經歷

從七品方印一顆管軍民詞訟及道府文移呈堂正途出身應陞知縣萬歷前無考

教授

萬歷前無考

倉大使後所鎮撫吏目倉大使俱無考

陸前營遊擊

指揮使

劉琮

劉績

劉平

任文登營把總詳政績志

劉澤遠

詳政績志

王信

直隸昌黎人

王政

王勳

王都

王心加

掌印萬歷八年重修文廟

王應卯

武舉三科

王運隆 詳政績志

王元輝

周貴 江南常熟人宣德十年封

周斌 正統元年任

周剛 十四年任

周英 成化七年任

周岐 嘉靖四十年任

周璋 十八年任

周京 隆慶元年任

周宗魯 萬歷五年任詳政績志

周裕德 三十五年任掌邊操任修船千總

徐昇

徐夢鶴

徐冲斗

魏忠 正統間任署山東按察司僉事

按忠父墓在宮松嶺之麓規制堂皇原任陝西按察使陳王廷題碑本衛掌印指揮李永芳篆

額亦未知忠父之名舊傳為魏皇親墓碑按明史后妃傳內無魏姓或忠沒之後有作嬪媛以下者亦未可知然不可考

指揮阮祥 原籍江南山陽縣

阮繼先

阮世忠

畢文敬 江南巢縣人建文四年封

畢晟 宣德八年任

畢琮 正統五年任

畢魁 成化十年任

畢復初 正統三年任

畢高 嘉靖二十二年任陞即墨營守備泗州營遊擊淮陽參將調福建興化營參將與少保戚繼光為刎頸交與化之役多賴其力

劉貴 原籍鉅野縣

劉元嗣 邊操病告為人清俊富于學問

著有詩集  
藏于家

劉鴻嗣  
元嗣弟代兄職  
掌印 國初揀

選本衛  
千總

指揮王  
僉事

王紹勳  
邊操  
三次

王愷  
舊志載王政之下按宏治二年建環翠樓碑記前書官銜是本衛掌印指揮僉事任文登營備倭把總王愷碑陰復有王政名似非一派今析為二

汪山

汪本  
明末寇臨城下死力拒之手刃

賊數級城  
賴以全

張彪

李玉

原籍靈璧縣

李蘭

五推掌印

李仁

武舉任都指揮僉事

李逢時

掌印通陞都指揮僉事歷陞叅

將

苗玉  
江南山陽人永樂十三年封

苗興

苗永盛

陶敞

原籍鳳陽縣敞祖洪武初封登州衛父

敗倭寇事載太祖本紀卒時子幼弟鉞借職後殉難宣德間敞始移封威海

陶瑛

正統九年任

陶裕

成化元年任

陶端

二十年任

陶大勇

嘉靖十五年任

陶繼祖

萬曆十三年任詳政績志

陶運化

天啟二年任詳政績志

陳福

陳際泰

陳萬言

邊操掌印 國初揀選本衛守備

李雄

李世勳

詳政績志

李鳳祥

掌印

蔡俊

扈寧

董旺

江南虹縣人舊志作董勝

董遜

成化十九年任

董權

董春

嘉靖十一年任

董用威

萬歷五年任

董遇時

三十二年任詳政績志

董祚豐

天啟五年任詳政績志

劉縉

見環翠樓碑陰舊志遺名

附周榮

以府軍後衛同知立功履歷未詳

周士魁

由生員納級指揮掌印履歷未詳

胡紹舜

千戶功陞

胡肇胤

以上二員疑與千戶胡興胡璽

為一派

按宏治二年環翠樓碑記備載劉宗王泰周英徐昇阮祥畢魁劉貴王政王愷汪山張彪李瑄

李玉苗與陶端陳福李雄蔡俊扈寧董遜劉縉

胡姓絕無其人或係捐職或移封他處或立功未回或緣事或無子爵除俱未可定故至今猶

傳為十八家指揮云

鎮撫司

蘇彪

宏治間任見修環翠樓碑

王翰英

兵部効勞補松棚路守備明未

發故主喪攜眷泛海南遊

千戶裴鏞

陳興

陳復新 領京操 國初 黃銘 揀選本衛千總

丁宣 韓俊

韓盾光 吳敏

李芳 吳凱

吳希孔 納級指揮 領邊操 戚林 江南興化人 洪熙元年封

戚亮 宣德六年任 戚成 天順八年任

戚瓚 宏治十年任 戚鈇 嘉靖十年任

戚尚賢 四十二年任 戚寵 隆慶四年任

戚宸 寵弟萬歷十五年任 胡興

胡璽 趙祥

余勝 謝昇

周鑑 百戶內有周鑑名疑是一人然環翠樓碑記兩載之

張雄 李魁春

按宏治二年環翠樓碑記載裴榮陳興黃銘丁宣韓俊吳敏李芳吳愷戚成胡興趙祥余勝謝昇周鑑張雄十五員姓名無李魁春名疑與李芳為一派

百戶 王玉 孫勝

夏暹 姚正

蔣鉉 朱亮

程玉

馬鐸

姚玉

王理

楊威

蔣銘

范祿

汪能

方整

整後裔方成矩鎮標効勞補登鎮水師營守備國初棟選本衛千總

陳儀

侯爵

周鑑

陳洪

李迪

許成

孫軌

崔昇

璩凱

杭壽

孫鐸

李洪

樊璉

趙安

崔應科

婁永壽

按正德十六年重請衛印碑記載百戶印三十  
宏治二年環翠樓碑記止載百戶二十九員無  
崔應科婁永壽二員姓名疑崔應科係崔昇之  
後婁永壽或爾時尚未就封或年幼尚未襲職  
均未可定今仍舊志存之

經歷姜延學 宛平人萬歷十八年任

左遷 三十五年任

李廷 京山人四十年任

謝道泰 錢塘人四十二年任

馬輓 中牟人四十五年任

杜岩 贊皇人四十七年任

鄭崇雅 天啟五年任

吳時道 江南人崇正二年任

王承芳 陝西人七年任

授教李鳳岐 萬歷間任見重修儒學碑陰舊志遺名

程邦祁 婺源人

趙炳 寧海人

王三命 陵縣人

李承學 臨淮人

杜鵬雲 黃縣人

李大臣 大同人

俞夢聖 新安人

楊于廷 陵縣人

尹就湯 遼東人

崔數仞 井陘人

王鴻範 青州人

前營遊擊王修政 見府志崇正九年重修本衛演武廳餘無考

國朝

守備一員 正五品管理庶政兼理屯務與州縣平行

經歷一員

教授一員 正九品乾隆元年陞正七品

所千總一員 掌所事隸威海衛

巡檢司巡檢一員 雍正十三年裁衛設巡檢司一員

把總一員 雍正十三年裁衛設外委把總一員乾隆三十七年添設經制把總一員屬寧

營福

守備 于有光 順天武進士 順治四年任 陞鳳宿道中軍 詳政績志

郭文秀 保定武進士 順治十年任 陞靜邊道中軍 詳政績志

蘇元德 順天世職 順治十四年任 陞周凱 湖廣德安人 順治十六年任

徐洪謨 紹興武進士 順治十八年任 陞因公 詳政績志

司其迥 湖廣武舉 康熙元年任 陞朱孚吉 江寧武舉 康熙三年任 陞徽州

營中軍 詳政績志 李標 浙江山陰 武進士 康熙十三年任

任陞湖廣都司 詳名宦志 張邁良 山西武進士 康熙二十年任 陞

太湖營 費允倫 吳江武進士 康熙三十四年任

陞金華營都司 韓公遠 鹽山武進士 康熙四十七年任

陞長沙營都司 鄭承恩 江寧監生 康熙六十一年任

張懋昭 宣化武舉 雍正六年任 缺裁候補

經歷 王業遠 順天人 順治四年任 鄧希開 山西人 通判 改授 順治十五年

任奉裁

教授 張所聞 泰安歲貢 順治六年任 梁文憲 東平歲貢 順治八年任

張聯箕 益都進士 順治十四年任 陞江府知府 徐成珠 汶上舉人 康熙十一年任

張完臣 平原進士 康熙四年任 姜玉英 萊陽舉人 康熙十七年任

賈瑄 益都舉人 康熙十五年任



劉鼎新 壽光舉人康熙十九年任 尚宗濂 平度舉人康熙二十四年任

張魁光 歷城舉人康熙二十五年任 羅光嗣 復州衛捐貢康熙二十八年任

王謙志 益都舉人康熙四十四年任 崔玉汝 荏平捐貢康熙四十八年任

王瀛 臨淄進士康熙五十四年任 知縣

董百祥 青城捐貢康熙五十九年任 張介正 齊河副貢雍正三年任

王蘭生 濱州拔貢雍正八年任 裁缺

前所 紀綱振 順治四年任奉裁

左所 袁安國 順治四年任奉裁

後所 崔國威 保定武舉順治四年任 李廷徵 陝西武舉

周之德 浙江人康熙七年任 王英 榆林人康熙八年任

守備 衛 高鳳彩

繆魯治 奏裁以上俱駐百尺厓

新設 楊奇彥 浙江山陰人雍正十三年任 巡檢 裁衛由文登溫泉寨移駐

馮耀先 浙江慈谿人乾隆十年任 陳國政 順天大興人乾隆十五年任

樊明 吳縣人縣丞借補乾隆二十年任

唐拱儉 四川成都人乾隆三十年任主簿借補

龐廷柱 順天宛平人乾隆四十年任

新設 把總 陳國柱 河南太康武舉乾隆三十七年任

李若蕙

直隸武舉  
千總借補三十八年任

名宦

通祀各學  
一概不錄

國朝

李

標

浙江山陰人康熙甲辰武進士十三年任下車之始招復流亡葺補城垣創義學社倉設藥局樹文峯建學署開射圃以及濬河挽水築堤栽柳修橋利涉詳請童試改歸本衛考送善政頗多為人瀟灑侷儻雅歌投壺有羊叔子遺風著有宜堂詩集陞湖廣都司衛人立去思碑著同聲吟刊刻成帙詳准入祠為邑名宦之首

政績

明

劉平

指揮使掌印管屯兼理城操團練軍馬時劉六劉七作亂近城聞砲聲遁去

劉澤遠

變單騎出圍當事壯之疏請候敘

周封魯

指揮使孝友博學萬歷間掌印十年陞登州團練營備倭擒獲倭寇記功營碑

陶繼祖

指揮使事萬歷丙辰年饑捐俸煮粥多所全活

王運隆

部聽差補登鎮八角口管馬都司事嫡母以孝聞副使高麗能不辱命

董遇時

指揮使事賦性仁厚舊日編審每用殷實為軍牢屯催等役有累身家兼礙進取遇時力抉積弊詳請條鞭各項雜差俱免編名止分三則納銀率役各給工食招募衛人感德事載衛碑及州志

吳夢麒

所千戶與指揮董遇時同時掌印力扶積弊不許僉名應役善良始無踐踏捶

楚之苦

李世勳

指揮僉事五推軍政掌印二十年政尚淳簡頌聲大著

董祚豐

遇時子軍政掌印振綱飭紀崇正九年有營將協制之議面折不聽辭避裏口

山

陶運化

繼祖子崇正間掌印重修戟門泮池櫺星門石坊有功學校陞登萊監軍道中

軍守備歷陞保定府城守都司

國朝

于有光

字孟華順天武進士順治四年涖任三日首辨軍民各差親赴文登縣面折縣

尹偏聽積蠹姜學禮之言堅意不從光鬱悶撲地稍甦喝吏通詳各憲俱蒙批豁卒為積蠹所

中至于大累光復至郡面陳顛末務期有濟直至八年再詳按院馮公准照舊各差軍民永無

纏擾仍勒石垂戒陞鳳宿道中軍有去思碑

郭文秀

保定武進士順治十年任政尚清簡尤加意學校始終無渝志陞靜邊道中軍

尋陞高廉雷鎮標參將

徐洪謨

字九疇紹興武進士順治十八年涖任數日值于七之亂招集鄉勇八百餘名

刻期操演捐俸犒諭晝夜防守居城頭六閱月每有鄰警輒率力士截探城賴以安至于持平

編審清報殺傷補葺城垣門禁修復水門故道重修泮池創建文峯痛革公費火耗清正廉能

偶以前任起解供丁銀缺額六兩作十分未完革職尋以任內全完開復

朱孚吉

字平埜江寧武舉康熙三年任天性溫克履任十年多所裨益如清理殺傷人

丁一百零一丁屯荒一十五頃七十八畝三分

隨除隨補不致缺額屢奉編審應開除者無包

賠之累應僉報者無隱匿之弊創修名宦鄉賢

祠補葺文廟頽垣自備花紅試卷毫無派擾茹

水飲水清畏人知兩遇軍政俱

註上考陞徽州營都司僉書

論曰國家建官文武攸分獨衛以折衝兼樽俎

膺是任者厥惟艱哉在威以宦績傳者什一得

勿有諛聞動眾如王成之偽增戶口者乎得勿

有催科政拙如陽城之願居下考者乎必採之

輿論方為定評後之君子觀此而動景行之思

則在在皆尸祝矣

威海衛志卷之七

貢舉志

敘曰甚矣用人之難也以周公之論秀書升而後世不免以三卿掩四科况其餘哉嗣後孝弟力田限年九品身言書判舉士十科皆因時變遷而科目則沿隋唐不改勝朝三途並用迨中葉而甲科偏重焉

國朝廣闢賢路於科貢之外間行保舉下逮韜鈴胥掾亦皆承風雲効奔奏駸駸乎野無遺賢其姓

氏爵里皆有關於激勸安可沒也作貢舉志

徵辟

國朝

王世功 字九錫黃承宗子原名朝鉞隨父任慶

治八年入太學九年 廷試欽授翰林院編修

歷內秘書院學士通政司右通政使提師楚南

噶喇大 通志 係本姓任都統

甲科

國朝

王世祿 黃承宗子原名朝鎧入

呂日正 字大聲從嶽子康熙丙子舉人

庚辰進士任江南溧陽縣知縣

王士任 字咸一康熙甲午舉人雍正癸卯進

董可成 字集大雍正丙午舉人乾隆丙辰進士

任陝西中部縣知縣再補直隸成安縣

鄉科

國朝

呂自嶽 字翰臣祚芳子康熙壬子拔貢戊

午科北榜舉人任高密縣教諭

呂從嶽 字申甫祚芳子康熙辛

周士适 字伯閣康熙乙酉科舉人任江南六合縣知縣再補湖南長寧縣知縣

陶元士 字純齋威鳳子康熙癸巳恩科舉人揀選知縣

周士迪 字恂九康熙癸巳副榜甲午北榜舉人任河南新蔡縣知縣

陳國謨 字鄰哉雍正甲辰科經魁揀選教諭

戚傲淳 字太古雍正甲辰科任海豐縣教諭

郭文芳 字友蘭雍正甲辰科揀選知縣 陶凱士 字華臣雍正壬子科

呂瑤 字荆石曰正子 王兆聖 字念作士仲子乾隆戊午科

呂璿 字象儀曰正子乾隆甲子科解元

陶易 字經初正士子甲子優貢乾隆壬申恩科北榜舉人現任江南江寧等處布

政使司 布政使

陶式禮 字思儼乾隆癸酉科揀選知縣

制貢

明

郭銘

夏庸

孫廣

姜秀

吳泉

陳甫

舊志按環翠樓碑書此六名上有監生二字或謂明時三途並用進士為一途吏員為一途舉人入監肄業舉貢監生入監肄業貢監共一途與近例納粟不同如梅瑄王悅碑記內俱稱監生可知錄之以備參考

黃芳 嚴州府檢校

梅瑄 知縣

黃舉 宜興縣丞

夏昂 玉田縣知縣

王才 國子監典簿陞鴻臚寺典籍

鄒克義 知縣

李純夫 知縣

郭鐘 稷山縣知縣

王悅 字恭軒縣丞詳文學志

茅容 修艾山廟有碑記

谷景暘 主簿正德間重請衛印有碑記

黃恩 舉子松江府檢校

戚鎧 太谷縣知縣

胡天秩 興安州知州

戚鉦 洪洞縣知縣

畢貴 清苑縣丞門清如水士氣未降郡倅謝某起家三考貴不為折腰謁監司適

聞司在坐詞色不讓未免水炭一年告歸教子孫最肅處鄉黨以正著一文菊詞自題

王信 縣丞學田碑記作王吉

吳彬 教授

畢再傳 字澗泉靈石縣縣丞陞晉府審理正致仕

周全 邵陽縣縣丞 王三鯉 字龍池任安東縣知縣

黃家相 歷衡藩教授明時威庠廩缺每為州縣冒補如登州衛陳夢瑄黃縣范廷鳳等

皆由衛庠出貢家相條陳晉籍負疏登聞至今有家藏疏稿

黃家材 周藩教授 李鳳鳴 一作逢明鞏昌府通判

王三捷 洪洞縣知縣舊志作三接懷柔縣知縣

呂文 字樸安歷葭州州判有政聲文父呂崑遊都門拾金還主活人性命後科第累

世人以為厚德之報 王三益 陽武縣丞



戚延齡 字對樵 歷薊州知州 時神廟有張差挺

報聞立決張差免株 連無算事載明史

王雲鶴

吳宗魯 有學田 碑記

王允言 字玉峯 任泰州 州同平礦賊有

功事聞陞南 安府通判

吳養蒙

崔漢 主簿

吳宗周 密雲 教授

畢昉 貴子 温州 府通判

王天道 教授

王天德 教授

黃立極 拔貢 真陽縣知 縣再補盧氏縣

呂應選 字玉台 文子 由紫陽縣 知縣 歷鞏昌府同知

戚世光 字顯東 任 秦州州同

黃逢時 字葵陽 歷杭州 府通判 歷署五

篆皆著 能聲

阮鴻猷 饒州府 教授

鄒孔澤 字化 溥

黃屏佶 字仍山 無極縣 知縣 陞兩淮運

判未任告病登州防院軍門曾纓慕其才特疏 題陞中營遊擊管陸營協鎮行防院大廳事有 海岳 集

明史祀慶都名宦列郡 志忠勇傳詳鄉賢志 夏宗禹 密縣 縣丞

呂望周 天津衛 經歷 陶璽 石州知州 舊志 作州同 照墓碑

改 王者翼 三鯉子 涑 水縣縣丞

陶傅 璽子 上林院監 子 戚宗鯁 世光

谷遷喬 字于門 景暘子 嘉 靖間歲貢任縣丞

按明初制貢無考僅載成化以後姓名且府志與邑舊志科分多不符故一概從刪又外學由本衛出貢者既載本籍亦不重登

國朝

順治四年為始康熙元年停八年復自康熙庚戌以後注明科分以便稽考

戚若鰓

字臨軒任金華府經歷

戚景鰓

字方閣世光子工書能詩任壽

張縣訓導缺裁立九容社教授生徒

呂祚蕃

字醇還應選子任范縣教諭

呂祚茂

字紹儒應選子任濟南府訓導陞桃源縣知縣

戚永嗣

字岐陽任鄒平縣訓導再補鄆城縣訓導

戚崇進

字仲申戊子拔貢由邳陽縣知縣歷淮安府知府詳鄉賢志

阮述芳

字岸夫鴻猷子順治戊子副貢任揚州府通判詳文學志

陶贊化

字乾陽順治辛恩貢由鳳翔府通判歷江寧府同知戶部員外郎

戚從鰓

字子方世光子順治甲午拔貢博學能文

陳如垣

字巨鎮任壽張縣訓導

呂祚芳

字德清應選子任禹城縣訓導

致仕

呂祚棻

字奇木應選子恩貢任武寧縣

縣丞一年告歸忠誠篤厚年八十餘手不釋卷成就後學甚多

陶開虞

字欽文

夏士英

字人千宗禹子副貢考授州同

教授生徒及門甚盛平原張拭之張方晉文登劉炯劉炳本衛呂自嶽呂從嶽皆登巍科

董祚昌

有高節

王開治

字玉燭康熙庚戌

呂自嶽

康熙壬子拔貢見鄉科

王元鼎

字九山康熙壬子任荏平縣訓

導

王開泰

字化醇康熙甲寅

陶希聖

字聖洋康熙丙辰恩貢任青城縣訓導中年失偶義不再娶撫孤姪如巳子年

踰古稀手不釋卷共推敦行積學之士

李夢蘭

字瑞芝康熙丙辰時衛侯李公

欲改疏城河恐礙其祖塋請與商之蘭毅然曰一家之風水小合邑之風水大時論躡之

夏士彥

字仲呂宗禹子康熙戊午先是威庠廩缺止七名彥遍遊六郡籲請道憲始題

准以縣學為例威成靖大四衛俱蒙其休

畢懋第

字衡南康熙庚申魁梧倜儻遇

事剛斷創修衛志加意搜羅考据掌故獲延第之力也

谷震乾

字元之康熙壬戌

董策

字上三十二歲入泮康熙甲子

任商河縣訓導致仕

周維樾

字蔭青康熙丙辰拔貢任高苑

縣教

戚汝楠

字讓公從鯉子康熙丙寅與物

謙和

王古瑚

字宗彝康熙戊辰

戚膺卜

字枚公康熙庚午

周維正

字克生康熙壬申工書法

周自興

字於詩康熙甲戌

呂夢龍

字伯祥祚蕃子康熙丙子工書

法

陶廷彥

字燦公康熙戊寅

陶威鳳

字德徵希聖子康熙己卯拔貢除在平縣教諭不赴好學工文巡撫李樹德採

風拔冠通省庠師王蘭生通詳各憲考語曰正直端方謙冲和易持身教子先正典型時皆以

為知言

畢世隆

字西菴康熙庚辰

陶廷錫

字晉元開虞子康熙壬午

陶中鳳

字儀周康熙甲申肥城縣訓導

夏應詔 字彤書康熙丙戌利津縣訓導

夏應泰 字彙卿士彦子康熙戊子恩貢

王克生 字建功康熙庚寅齊河縣訓導

周士迪 康熙癸巳副榜見鄉科

陶有鳳 字翔千希聖子康熙丙申除范

夏模 字範伯士英子康熙戊戌任邱

戚汝楸 字岱柱從鰥子康熙庚子

董恭 字子安康熙壬寅恩貢任費縣教諭

陶正士 字方厓威鳳子雍正癸卯拔貢

呂日卓 字蒼厓夢龍子雍正甲辰除昌

戚元一 字惟齋膺卜子康熙壬寅

李生枝 字城西雍正丙午

李盛唐 字思伯雍正庚戌任恩縣訓導

戚汝楨 字瀛洲雍正壬子

郭文大 字堯瞻雍正乙卯拔貢任黃陂

王兆鵬 字程九士任子雍正乙卯優貢

阮文珍 字人玉乾隆戊午昌邑縣訓導

陳國祺 字介福乾隆丙寅平度州訓導

李昂 字曉園盛唐子乾隆壬申任肥

李昂 字子超乾隆乙亥任壽張訓導

陶易 字謙甫乾隆庚午恩貢

陶吉士 字謙甫乾隆庚午恩貢

樂縣訓導

王士仲 字敬伯雍正戊申任齊河縣訓導

戚又三 字治齋膺卜子雍正甲寅

縣縣丞續修衛志

王汝為 字雪石乾隆丙辰

陶易 字謙甫乾隆庚午恩貢

陶吉士 字謙甫乾隆庚午恩貢

城縣訓導再補沂水縣訓導

咸海新志

卷一 貢舉

八

陶而昕 字扶暉正士子乾隆戊寅

戚塋 字有常乾隆辛巳恩貢

陶達士 字也伯乾隆壬午

王日星 字南一汝為子乾隆甲申

王兆興 字五如乾隆丁亥

陶會履 字旋之易子乾隆甲申准歲貢

任東昌府訓導候補通判

王步翔 字仍千乾隆辛卯副貢

李樹賢 字昂子乾隆丁酉副貢蓬萊籍

例貢

國朝

戚士琦 字魏公崇進子任長沙縣知縣 周維樅 字羽文由增生

董莊 字子臨由附生

例仕

明

王者佐 吏員武昌縣典史

國朝

陶而昱 正士子附監生任河南輝縣主簿

陶曾恒 易子分發布政司經歷 陶曾恕 而昱子分發江蘇吏目

儒士

明

王者衡

崔萬尋

畢登科

戚襄辰

延齡子湖廣都司經歷陞通判

陳秉鑑

例監

武科

明

李

仁

指揮僉事中嘉靖武舉歷本省都司僉書

科

國朝

谷生琰

字錫九乾隆庚午亞元丁丑進士歷任貴州都勻協右營遊擊從征金川三十

八年二月二十六日攻打大金川納占西山梁被傷陣亡賜祭葬詳忠臣志

武職

明

李夢麒

字小江由行伍萬承翼由將材出征有歷建昌營都司功遙陞援勦營

都司

國朝

王鴻業

字建堂明武生防院効力遙補登州右營遊擊國朝奉裁隨雲貴總督卞

効力補雲南衛守備調山西羊房口守備陞湖廣辰州營都司

郭成龍

字冲霄入鑲藍旗漢軍籍設防廣東有功題補福建提標右營遊擊後任佐領

貽封

明

戚尚賢 庠生以子延齡貴贈  
文林郎平谷縣知縣

王 偕 以子三鯉貴封文  
林郎安東縣知縣

呂 文 州判以子應選貴贈奉  
政大夫鞏昌府同知

國朝

陶繼祖 指揮僉事明封明威將軍以  
子贊化貴 國朝贈承德郎

黃 煥 以孫王世功貴贈資政大夫內  
書院侍讀學士兼佐領加一級

黃承宗 知縣以子世功貴贈資政大夫內  
秘書院侍讀學士兼佐領加一級

戚世隆 以子崇進貴贈奉政  
大夫工部員外郎

陶崇化 次貢以子希聖貴贈  
登仕郎青城縣訓導

周之標 庠生以子維樾貴贈  
登仕郎高苑縣教諭

王啟端 庠生以孫士任貴贈通奉大  
夫福建布政使司布政使

王毓生 庠生以子士任貴贈通奉大  
夫福建布政使司布政使

陶威鳳 拔貢以子正士貴贈文林郎長寧縣知  
縣以孫易貴累贈通奉大夫江寧布政

使司布政使 周維植 廩生以子士適  
貴贈文林郎六

政使 李 謙 庠生以子盛唐  
合縣 貴贈修職佐郎

知縣 恩縣 陶正士 長寧縣知縣以  
訓導 出嗣子易貴累

贈通奉大夫江寧 陶申士 庠生以子易貴  
布政使司布政使 累贈通奉大夫

江寧布政使 谷允宜 以孫生琰貴贈  
司布政使 贈昭武大夫四

谷子宏 昭武大夫四貴贈

川松潘營都司  
松潘營都司

明

徐氏 以子戚延齡 貴贈孺人

叢氏 以夫戚延齡 貴贈孺人

李氏 戚延齡繼室 封孺人

郭氏 以子呂應選 貴贈孺人

許氏 以子呂應選 貴贈孺人

夏氏 以夫呂應選 貴贈孺人

畢氏 呂應選繼室 封孺人

董氏 以子王三鯉 貴封孺人

叢氏 以夫王三鯉 貴封孺人

畢氏 以夫王者翼 貴封孺人

國朝

周氏 以夫陶繼祖 貴明封恭人以 子陶贊化 貴國朝贈安人

畢氏 以夫陶贊化 貴贈安人 劉氏 陶贊化繼室 封安人

謝氏 以孫王世功 貴贈夫人 劉氏 以子王世功 貴贈夫人

周氏 以子戚崇進 貴贈宜人 王氏 以夫戚崇進 貴封宜人

阮氏 以子陶希聖 貴贈孺人 李氏 以夫陶希聖 貴贈孺人

蘇氏 以子周維樾 貴贈孺人 畢氏 以子周維樾 貴贈孺人

賽氏 以孫王士任 貴贈夫人 陳氏 以子王士任 貴贈夫人

蘇氏 以子王士任 貴贈夫人 郭氏 以夫王士任 貴封夫人

王氏 以子陶正士 貴封孺人 以孫易貴 累贈夫人

戊海衛志

卷七 貢舉

七



呂氏 以夫陶正士貴封孺人以

夏氏 以子周士适 劉氏 以夫周士适 貴贈孺人

辜氏 以子李盛唐 呂氏 以子陶易貴 累贈夫人

于氏 以夫陶易貴封 鄧氏 以孫谷生琰 貴贈恭人

苗氏 以子谷生琰 畢氏 以夫谷生琰 貴封恭人

廕子

明

陶傳 府志廕無考見舊志授詹事府錄事按 傳係石州知州陶璽之子已載制貢內

任上林院監丞此云詹事府錄事疑石州係山 西邊缺被兵殉難故廕其子由詹事府錄事陞

上林院監丞 然不可考矣

國朝

王綸 世功子廕生 王紀 世功子廕生 歷 福州府知府

王績 世祿子廕生 歷 王齡 綸子廕生 任 正定府知府 漢中府同知

谷曰孚 生琰子難廕守 備撫標學習


論曰威自順天以前貢舉槩無可考成化而後

麟麟炳炳有翔步玉堂者矣有秉鉞封疆者矣

或舉帷典郡治仿并州或聞笛循城烈同睢邑

或懋武功名垂邊徼或崇文治澤留花封甚至

躬伏衡門而媵終堪爲砥柱芳騰令甲而封廕  
兼及後先十室之邑必有忠信聖人豈欺我哉



文化乙亥

